

ИККИНЧИ БЎЛИМ**ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ФАРМОНИ****333 Умумий юрисдикция судларининг тузилмасига ўзгартириш киритиш тўғрисида**

Ўзбекистон Республикаси «Судлар тўғрисида»ги Қонунининг 78-моддаси ҳамда Қорақалпоғистон Республикаси Жўқорғи Кенгесининг 2012 йил 11 декабрдаги «Қорақалпоғистон Республикасининг Тахиатош шаҳрини республика бўйсунувидаги шаҳар мақомидан туман бўйсунувидаги шаҳар мақомига ўзгартириб, Хўжайли туман таркибига қўшиш ҳақида»ги 135/Х-сонли қарорига асосан:

1. Қорақалпоғистон Республикаси жиноят ишлари бўйича Тахиатош шаҳар суди тугатилсин.

Қорақалпоғистон Республикаси жиноят ишлари бўйича Тахиатош шаҳар судининг раиси штат бирлиги Қорақалпоғистон Республикаси жиноят ишлари бўйича Хўжайли туман судига ўтказилиб, ушбу туман судининг судьяси штат бирлиги деб ҳисоблансин.

2. Ўзбекистон Республикаси Молия вазирлиги, Олий суди, Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти Қорақалпоғистон Республикаси жиноят ишлари бўйича туман (шаҳар) судларининг харажатлар сметаси ва штат жадвалига тегишли ўзгартиришлар киритсин.

3. Ўзбекистон Республикаси Президентининг 2004 йил 20 февралдаги ПФ–3400-сонли «Умумий юрисдикция судларининг айримларини тугатиш ва қайта ташкил этиш тўғрисида»ги Фармонига қуйидаги ўзгартиришлар киритилсин:

а) 4-иловада «Қорақалпоғистон Республикаси» бўлиmidан «Тахиатош шаҳар» сўзлари чиқариб ташлансин;

б) 7-иловада «Қорақалпоғистон Республикаси» бўлиmidан «Тахиатош шаҳар» сўзлари чиқариб ташлансин.

4. Мазкур Фармоннинг ижроси устидан назорат Ўзбекистон Республикаси Президентининг Давлат маслаҳатчиси Ж. Файзиев зиммасига юклатилсин.

**Ўзбекистон Республикаси
Президенти**

И. КАРИМОВ

Тошкент ш.,
2013 йил 24 июнь,
ПФ–4543-сон

Ўзбекистон Республикаси қонун ҳужжатлари тўплами, 2013 й.